

# Assistent da dentist AFQ

## Assistent da dentist AFQ

Gesundheit

### Durada

3 onns

### Indicaziuns davart il salari

1. onn d'emprendissadi: CHF 650.–
2. onn d'emprendissadi: CHF 900.–
3. onn d'emprendissadi: CHF 1300.–

Assistents ed assistentas da dentist sustegnan dentistas durant la consultaziun ed il tractament dals pazients. Ultra da quai steriliseschan els ils instruments suenter il tractament, fan radiografias, beneventan pazients, èn responsabels per l'administraziun dals termins, da las actas e per tschentar quint.

## Incumbensas

### Bainvegni

- beneventar ils pazients ed als manar en la stanza da spetga u directamain al sez da tractament.
- stgaffir in clima da confidenza
- manar discurs al telefon, valitar l'urgenza da la dumonda e fixar termins

### Assistenza durant il tractament

- preparar ils instrument ed ils apparats per il tractament planisà
- assister las dentistas durant il tractament: tanscher ils instruments necessaris sco er il material per emplenir ils dents (cement, amalgam, cumposit) e furmar la massa d'impronta
- far radiografias tenor instrucziun, resguardar las prescripziuns pertutgant la protecziun cunter radiaziuns e mussar co il pazient sto tegnair il chau
- elavurar ils maletgs da radiografia che vegnan endatai en l'acta da la pazienta a moda analogica u digitala

### Lavurs da nettegiar

- sterilisar ils instruments medicinals ed als metter davent suenter mintga tractament, dischinfectar la sutga da pazients e l'equipament
- far e tener urden en la pratica
- dismetter ils rufids a moda adattada a l'ambient

### Lavurs administrativas

- tegnair a à jour las actas e resguardar latiers la protecziun da datas
- administrar medicaments, meds da lavar ora la bucca, cement per curunas ed ulteriurs utensils e far empustaziun necessaria
- s'occupar da la posta e far la cudeschaziun, p.ex. trametter offertas u far quints

## Ambient da lavur

Assistentas ed assistents da dentists lavuran stretgamain cun dentistas, tecnicists dentals u igienicras dentals. Mintgatant fan els era lavur da scleriment e prevenziun cun cussegljar a tscherts pazients mesiras da basa en connex cun la igiena da bucca. Durant il tractament portan els adina in scussal ed in mascrina da protecziun, egliers e guants per sa proteger da risicos d'infecziun.

Las persunas da professiun lavuran en praticas da dentist ed en clinicas dentals, policlinicas u instituziuns da la medischina. Ellas pon er lavurar tar in'assicuranza u ina firma che fa products da la medischina dentala. Tut tenor la piazza da lavur han ellas temps da lavur irregulars. Cas d'urgenzas u schabetgs nun prevedì pon manar tar dis da lavur pli lungs.

## Pretensiuns e interess

### Pretensiuns

- Senn per igiena e per nettezza
- Savair vesair sang
- Inschign manual
- Curtaschia e sensibilitad
- Abilitad da lavurar en in team
- Discreziun
- Empatia
- Resistenza cunter stress

---

### Interess

- Avair contact cun persunas
- Gidar e tgirar autras persunas
- Lavurar en il team
- Cussegljar

# Scolaziun

## Manaschis

---

En ina pratica da dentist u en ina clinica dentala

## Scola

---

1 di per emna a la scola professiunala

## Curs odaifer il manaschi

---

Emprender ed exercitar las basa professiunala en la pratica. 10 dis durant 3 onns.

## Durada

---

3 onns

## Cundiziuns d'admissiun

---

Temp da scola obligatoric terminà

## Maturitad professiunala

---

Tar fitg bunas prestaziuns da scola po vegnir frequentada la scola da maturitad professiunala durant la furmaziun da basa.

## Titel da finiziun

---

Assistent / Assistentia da dentist AFQ

## Furmaziun cuntinuonta

### Curs

Purschidas da scolas professiunalas, da scolas dentalas e d'autras scolas da sanadad sco era d'associaziuns professiunalas e da fundaziuns, p.ex. sco instructor / instructura da tgira da dents per scolars (ITDS)

### Diploms da la federaziun

Assistentia profilactica,  
Administratur da pratica u secretaria medicinala

**Scola specialisada superiura**

Igienicher / igienicra dents dipl. SSS

**Professiuns sumegliantas**

**Ulteriuras infurmaziuns**

Swissdoc Nummer

**TODO**

**Schweiz. Zahnärzte-Gesellschaft SSO**

<https://www.sso.ch>

**Schweiz. Verband der Dentalassistentinnen SVDA**

<https://www.www.svda.ch>

**TODO**

<https://www.becc.admin.ch/becc/public/bvz/beruf/show/86916?lang=de>